



COMUNU DE BIDDOBRANA

(PROVÌNTZIA DE ARISTANIS)

UFÌTZIU SERVÌTZIUS AMMINISTRATIVUS

Bia Roma 24 - C.A.P. 09080

Tel. 0783/44104 44636

C.F. - P.00071740955 e-mail: info@comune.villaurbana.or.it

Prot. 7803

AVISU PÙBLICU

PO PONI IN PRÀTICA SU BONUS SOTZIALI ÌDRICU INTEGRATIVU 2020 PO IS IMPITADORIS DE SU SERVÌTZIU ÌDRICU INTEGRAU

S'Enti de Governu de s'Àmbitu de Sardigna (EGAS) at aprovau cun delibera de su Comitau Istitutzionali de Àmbitu n. 35 de su 12.11.2020 su Regulamentu po assinnai BONUS sotzialis ìdricus Integrativus annu 2020 in s'Àmbitu territoriali regionali chi est gestendi Abbanoa SpA po is impitadoris de su servìtziu ìdricu integratu (SII) chi disciplinat sa cuncessioni de agevolamentus economicus a tràgiu de arrimbursu forfetàriu in favori de is chi tzèrriant "impitus debilis" chi torrant cun is nùcleus familliaris chi tenint sa residèntzia me in is Comunus in gestioni a Abbanoa Spa chi s'agatant in cunditziunis sòtziu-econòmicas malas chi su nùcleu familliaris tenit unu inditadori ISEE chi non sartat is € 20.000,00.

Su Fundu Integrativu po su finantziamentu de su BONU Integrativu po s'annualidadi 2020 istituiu ddu ant spartziu intra de totu is Comunus chi faint parti de s'Àmbitu territoriali in gestioni a Abbanoa SpA, in proportzioni a sa populatzioni residendi e cunforma a cantu est mannu su territòriu, comentu mellus crariu in s'allegau B de sa delibera CIA n. 35 inditada asuba, de innui ndi bessit ca a su Comunu de Biddobrana ddi ant assinnau € 2.122,07 a disponimentu.

S'amtint a sa misura de su BONU de apretu is nùcreus familliaris titularis de impitus deretus o is chi tenint sa residèntzia in un'impitu non deretu chi faint parti de sa tipologia "Usu Domèsticu residendi" e chi tenint is rechisius chi funt in s'art. 5 de su Regulamentu arremonau, in prus de totu is chi:

*** funt residendi in unu Comunu in gestioni a Abbano SpA;**

*** po is impitus deretus intestatàrius de impitu domèsticu residendi, po assumancu unu de is chi faint parti de su nùcleu ISEE, e anca est assegurau de teni totu custus rechisius:**

⁰ sa residèntzia anagràfica de s'intestatàriu de su cuntratu de frunidura ìdrica depit torrai paris cun s'indiritzu de sa frunidura de su cuntratu etotu;

⁰ su nominativu e su còdixi fiscali de s'intestatàriu de su cuntratu de frunidura ìdrica depit torrai paris cun su nominativu de unu de is chi faint parti de su nùcleu ISEE;

*** Po is impitus inderetus, a cunditziuni chi siat assegurau ca sa residèntzia anagràfica de unu de su nùcleu familliaris ISSE torrit paris cun s'indiritzu de sa frunidura condominiali o agregada chi su nùcleu etotu ndi gosat, o a cunditziuni chi s'indiritzu de residèntzia anagràfica de su chi fait rechesta portat a s'indiritzu de frunidura de s'impitu condominiali o agregada;**

*** apant uni inditadori ISEE chi non sartat is 20.000,00 èurus;**

*** su nùcleu ISEE in cunditziunis econòmicas e sotzialis malas tenit deretu a su BONU Integrativu candu pertocat unu cuntratu feti de frunidura;**

A fini a fini s'importu de su BONU Integrativu chi spetat a ònnia beneficiàriu est paris a:

>€25,00 a cadaunu de is chi faint parti de su nùcleu famillari cun inditadori ISEE asuta de is € 9.000,00;

>€ 20,00 a cadaunu de is chi faint parti de su nùcleu famillari cun inditadori ISEE de 9.000,00 € finas a € 20.000,00.

A s'istàntzia de ammissioni, cumpilada e firmada comenti si spetat, si depint auniri custus documentus:

- a) Fotocòpia de unu documentu de arreconnoscimentu bàlidu de su chi fait rechesta;
- b) Còpia de una bulleta Abbanoa chi pertocat s'impitu e anca ndi bessit su **CÒDIXI CLIENTI**, su **CÒDIXI PdE** e s'indiritzu anca est postu s'impitu idricu;
- c) Còpia de s'atestau de s'ISEE ORDINÀRIU bàlidu a sa data de intregu de sa dimanda chi at lassau unu tzentru de assistèntzia fiscali (CAF);
- d) informativa de su privau firmada e intregada paris cun su mòdulu de dimanda.

Is rechestas de amissioni a su Bonu Integrativu, stèrridas me in is modulus apostas e a disponimentu in su Comunu de Biddobrana e finas in su giassu istituzionali www.comune.villaurbana.or.it si depint intregai aintru e sena de sartai su 30 de su mesi de idas segundu a una de custas maneras:

- a) **A manu a s'Ufitziu protocollu de su Comunu de Biddobrana** impreendi sa cascita postale a disponimentu aintru de su Comunu; .
- b) **A posta eletrònica certficada a s'indiritzu: protocollo@pec.comune.villaurbana.or.it,**
- c) **A arracumandada A/R chi at a depi arribai a s'indiritzu: Comunu de Biddobrana bia de Roma n. 24 09080 Biddobrana aintru e sena de sartai su 30 de su mesi de idas de su 2020, po si fai amiti no at a balli sa data de speditzioni de cussa etotu;**
- d) **Cun sa procedura in linia a disponimentu in su situ apostas www.bonusacqua.it.**

Informus e crarimentus in prus in contu de comenti intregai is dimandas de custu avisu, si podint pregontai a s'Ufitziu de Servitziu Sotziali de su Comunu a is numerus afatantis: 0783.44104 — 0783/44636 - internu 2.

Custu avisu impari a totu is modulus (regulamentu, mòdulu de dimanda, informative de su privau) est publicau in su giassu istituzionali de su Comunu de Biddobrana a s'indiritzu: www.comune.villaurbana.or.it.

Biddobrana, su 2 de su mesi de idas de su 2020

Sa Responsàbili de su Procedimentu
(Franca Melis)

Sa Responsàbili de su Servitziu
(Rag. Maria Paola Deriu)